



BALDUS.  
MORRAU  
—  
DE  
PLEURITIDE

1640-1









J<sub>v</sub> 62095/3


MEDICAL SOCIETY  
OF LONDON



ACCESSION NUMBER

PRESS MARK

BAIDUS, B.



EPI  
DE A

AD C  
BAL  
ME

Auctore  
Med



Apud S  
Regi



EPISTOLA EXEGETICA  
DE AFFECTO LOCO  
IN PLEVIRITIDE,

AD CLARISSIMUM VIRVM D.  
BALDVM BALDIVM  
MEDICINÆ PRACTICÆ  
in Romano Gymnasio  
Professorem ordin.

*Auctore RENATO MOREAV Doctore  
Medico Parisiensi, & Regio Professore.*



PARISIIS,

Apud SEBASTIANVM CRAMOISY, Typographum  
Regis ordinarium, viâ Iacobæâ, sub Ciconiis.

---

M. D C. XLI.



C  
D. H  
IN  
M

RE



fuo  
na l  
irene  
ta tu  
in pr





CLARISSIMO VIRO  
D. BALDO BALDIO

IN ACADEMIA ROMANA  
MEDICINÆ PRACTICÆ  
Professori.

RENATVS MOREAV S.D.



VNOQVAM induxif-  
sem animo ( *Erudi-  
tissime Baldi* ) esse  
Medicos qui otio  
suo abutentes de rebus meridia-  
na luce clarioribus disputatum  
irent ; nisi intellexissem ex erudi-  
ta tua *Disceptatione* aliquos esse  
in principe ciuitate , orbis olim

a ij

Domina nunc Christiani impe-  
 rij metropoli qui de υπέρξει *Pleur-*  
*ritidis* lites mouent. Siccine nul-  
 lam dari *Pleuritidem*? dolere la-  
 tera citra morbum? & cum acer-  
 bitas doloris te ad gemitus com-  
 pellit, atque de dolente parte  
 queri cogit, decipi te & illudi sen-  
 sus arbiter rerum tuarum Me-  
 dicus persuadeat? Vicit tandem  
 σκέψις; & cum æger aut Medicus  
 de affecta parte interrogabitur,  
 respondebit cum Pyrrhonio *πέχω*,  
*ἢ δὲν οὐκ εἶδω*, *ἢ δὲν καταλαμβάνω*; ne si  
 crus affici dixerit laborare pe-  
 ctus nonnemo argutetur. Tan-  
 tum igitur valuit vnus aut alter  
 locus Hippocratis perperam ex-  
 ceptus apud nonnullos, vt nul-  
 lam dari *pleuritidem* conten-



DE PLEVRITIDE. 5

dant, omnemque lateris dolo-  
rem velint, non à *membrana co-  
stas succingentis*, sed à *dimidiati  
pulmonis* inflammatione excita-  
ri. Hæc si ὡσαύτολογως & exercen-  
di ingenij gratia dicerentur, pro-  
bandum esset institutum, lau-  
danda industria: sed cum serio  
καὶ χειρὶς πυρρᾶς somnia sua nobis  
obtrudant, hallucinatumq; Ga-  
lenum & eius posteros omnes,  
sectatoribus Alexandri Petronij  
& Marfilij Cagnati oppidò pau-  
cis exceptis, impudenter calum-  
nientur; castiganda fuit eorum  
contumelia, coërcenda lasciui-  
a, & quàm leuibus ac futilibus ni-  
tantur λογισμοῖς, ne quid atrocius  
dicam, demonstrandum. Vnus  
ecce ex Medicorum ordine ex-

6 EPISTOLA

citaris vindex veritatis acerrimus,  
& Galenicæ doctrinæ assertor,  
qui receptam ab omni ævo de  
*Natura pleuritidis* sententiam  
tuereris, & eleganti *ῥησινέσει* No-  
uatorum ludicras argutationes  
& *λεπτολογίας* euerteres. Periculum  
erat ne plerique studio & leno-  
cinio nouitatis decepti, in partes  
aduersas secederent; nisi tu ob-  
stitisses strenuissimus pugil & fi-  
culnea eorum argumenta disso-  
luisses.

Sed quæ tandem illa argumen-  
ta? pudet dicere, istos vnum aut  
alterum textum Hippocratis sex-  
centis alijs eius locis, mentique  
& assensioni Medicorum om-  
nium constantissimæ antepone-  
re, & omnia quæ de *Pleuritidis*

ὁπαρξει vbique locorū dicta sunt,  
ad sententiam duorum illorum  
textuum reuocare. Habet Hip-  
pocrates libro de locis in homi-  
ne ( nec enim iam de operis Au-  
ctore disputo ) hæc verba quæ  
dubitandi occasionē præbuere.

ὁπόταν ὃ ἐς τὴν κίθαρον ῥέη, καὶ χολή ἢ, τὰς  
δε δὴλόν ἔστιν. ὁ δὲ ἔχει ἐς τὴν λαπαρὴν καὶ  
ἐς τὴν κληΐδα πρὸς τὴν ἐς τὴν λαπαρὴν, καὶ  
πυρετὸς καὶ ἡ γλῶσσα τὰ ἀνω χλωρὴ γίνεται,  
καὶ ὑποχρέμπεται ξυμπεπιγῶτα. ταύτης τῆς  
νύσας ἐβδωμαίῳ ὁ κίνδυνός ἐστιν ἢ ἐνναταίῳ.  
ὁπόταν ἀμφότερα τὰ πλοεὰ ἀλγέη, τὰ δὲ  
ἄλλα ὁμοία ἢ τῇ ἑτέρῃ, αὐτὴ μὲν πειπλω-  
μονίῃ ἔστιν, ἢ ὃ ἑτέρῃ πλωεῖς. *Cū verò,*  
*inquit, in thoracem fluxio facta*  
*fuerit, & quidem à bile his signis*  
*deprehendetur. Dolor tendit ad*  
*latus & ad claviculam, quæ est*  
*è regione eius lateris, febris adest*  
*linguaque lutea, seu pallida bile*

Vide  
com 6 in  
lib. 6.  
epid.



tinēta superiore parte existit,  
 Et concreta expuuntur, pericu-  
 lum eius morbi intra septimam  
 aut nonam diem consistit. Cum  
 vero utrumque latus dolet reli-  
 qua symptomata ut in praceden-  
 ti morbo similia existunt, Et hic  
 quidem peripneumonia est, ille  
 vero Pleuritis. Subijcit vero  
 continuo Hippocrates, αὐται ὃ γί-  
 νονται διὰ τοῦτο. ὅταν εἰς τὸν πλούμονα ῥέσῃ  
 ἐκ τῆς κεφαλῆς διὰ τῆ βρόγχου καὶ τῆς ἀρτη-  
 ρειῶν, ὁ πνέμων, αὐτὴ φαφαστὸς εἶναι καὶ ξηρὸς  
 φύσιν, ἔλκει εἰς ἑαυτὸν τὸ ὕγρον ὅπῃ αὐτὸ δύνη-  
 ται, καὶ ἐπὶν εἰσρύσῃ, μίξων γίνεται, καὶ ὅταν  
 μὲν εἰς ὅλον ῥέσῃ μίξων ὁλοβρὸς γίνεται, καὶ ἀμφοτέρων ἐφαυτεν τῆς πλούρεων καὶ πνευ-  
 μοννίαν ἐποίησεν, ὅταν ὃ τῆς ἐτέρας μᾶλλον,  
 πλείους ἢ. id est. Ipsi autem morbi  
 hac de causa generantur. Cum  
 fluxio à capite fertur ad pul-  
 monem per guttur Et arterias,



DE PLEVRITIDE. 9

pulmo natura sua & spon-  
giosus & siccus trahit in seip-  
sum quantum humoris capere  
potest, quo excepto maior effici-  
tur; & si quidem humor per  
vniuersum pulmonem effusus  
sit, eius extrema partes amplifi-  
cata vtrumque latus contingunt  
& excitant peripneumoniam,  
sin vero vnum è lateribus tan-  
tum, pleuritidem. Quibus ex  
verbis intelligitur *Peripneumo-*  
*niam* excitari cum distentus plu-  
rimo humore catarrhoico pul-  
mo vtrumque latus pertingit &  
dolore afficit: *Pleuritidem* vero  
cum pulmo vnicum tantum la-  
tus tangit & pungit. Eam ipsam  
sententiã confirmat Hippocrates  
eodem libro de *pleuritide sicca*

πλιδείπς ξηρὴ , inquit , αἶεν ῥοα γίνεται  
 ὅταν ὁ πλιδύμων λίλυ ξυρανθῇ ὑπὸ δίψης  
 αἰαγχαίης , ὁ γὰρ πλιδύμων αἶτε ξηρὸς ἐὼν ,  
 ἐπὶ πῶ π μᾶλλον ξηρανθῇ τῆς φύσιος , ἰσθὺς  
 γίνεται καὶ ἀκερατὶς γυρόμυρος καὶ κλιδατὶς ἐς τὸ  
 πλιδεὸν ὑπὸ ἀκερασίης , φαύει τῶ πλιδυρῶ καὶ  
 ἐπὶ πῶ δίγῃ ὕγρῳ ἐόντος ἀπεται , καὶ πλιδεῖπν  
 ποίει , τότε ὃ ὀδύνη γίνεται ἐς τὸ πλιδεὸν καὶ  
 ἐς τὴν κλιίδα καὶ πυρετὸς ἐπαναχεῖμπεται  
 λιδόν . *Sicca* , inquit , *pleuritis ci-*  
*tra fluxionem generatur quoties*  
*pulmo admodum exaruit pra-*  
*sitis vehementia , cum enim aliàs*  
*siccus existat , longè vero multo*  
*quàm ferat natura exarescat ,*  
*gracilis euadit imbecillis & lan-*  
*guidus sicque pra impotentia de-*  
*noluitur in latus quod tangit ex*  
*eoque contactu humoris inter-*  
*uentu ipsi agglutinatur , pleuri-*  
*tidemque committit . tunc verò*  
*& dolor excitatur in latere ac*

DE PLEVRITIDE. II

*clauicula, & febris; & album  
expuitur.*

Sed in istis Hippocratis locis  
pleraque sunt cùm in verbis, tùm  
in sensu obseruatione dignissi-  
ma. *χολῆς* siue *Bilis* nomine non  
pallidam bilem intelligere vide-  
tur, quemadmodum vult Gal.  
com. 3. in lib. de ratione victus  
morbis acutis veteres Medicos  
*χολῆν ἀπλῶς* dictam, καὶ τὴν ὀχρεὰν καὶ  
τὴν ξανθὴν tam pallidam quam  
flauam vocasse; sed vt existimo  
cum Foëssio fluxionē vniuersim  
sumptam ab humore acri, fer-  
uido, bilioso, tenui qui & in-  
flammationem excitare & fe-  
brem accendere valet. vocem  
*λαπαρῆν* interpretes explicant *la-  
teris mollitudinem*, quibus ver-

bis quid velint multi videntur dubitare. Ruffus Ephesius in vocabulario partium humani corporis λαπάρας interpretatur *Ilia*, τὰ ἔκτὸς τῶν πλοῦραϊς μαλακὰ , λαπάραι καὶ κενεῶνες sub costis molles partes à Græcis λαπάραι & κενεῶνες Latinis *Ilia* vocantur, quem locum accuratè descripsit Gal. com. 2. in lib. de fracturis. *Equidem*, inquit, *de vocabulo* λαπάρας *dicere possem adductus experimento, & Hippocratis ac Poëtae Homeri usu, tum ipso morbo eam significare partem quæ inter pectoris ossa & quæ propriè appellantur ossa Ilium, est interiecta.* quod etiam repetiit initio comment. 2. in librum prognost. Sed de illa parte locus hic minimè



est audiendus cum nulla intercedat necessitas aut familiaritas inter pulmonem inflammatum & Ilia. Præferenda videtur explicatio Erotiani qui in lexico Hippocratico *λαπάρῳ* interpretatur, *τὴν πλῆραν*, vel vt emendare videtur Barthol. Eustachius *τὸ πλῆρὸν* latus satis appositè quidem ad Hippocratis mentem nondum tamen satis accuratè. propiùs accessit Hesychius in onomastico vbi scribit *λαπάρας* non tantùm ex mente Dioclis significare *τὰς κοιλίας ἐκκενομένας* sinus vacuos & exinanitos, sed *τὰ πρὸς ταῖς πλῆραις τῆ στήνους* partes loci seu domicilij intra costas. Coelius Aurel. 2. de acutis cap. 13. vocat membranas vel carnē lateribus interiectam.

Id suo more hoc est eleganter  
 expressit Galenus com. 3. in lib.  
 de artic. *Arterias*, inquit, *& ve-*  
*nas* ὀχεῖς vocavit Hippocrates,  
 quod autem est inter ossa singu-  
 larum costarū λαπαρὸν dixit qua  
 parte musculi sunt Mesopleurij  
 seu Intercostales. ὀχεῖς μὲν εἶπεν τὰς  
 ἀρτηρίας δηλονότι καὶ τὰς φλέβας, λαπαρὸν  
 δὲ τῆς πλῆρως ἐκείνης τὸ μεταξὺ τῶν ὀστέων  
 καὶ ἃ καὶ οἱ μεσοπλευριοὶ μὲν εἰσι. Cum  
 igitur in latere duæ sint partes  
 vna ossea, altera carnea & ossibus  
 interiecta: vt Hippocrates desi-  
 gnaret partem affici solitam ex  
 allisu pulmonis inflammati, vsus  
 est vocabulo λαπαρῆς, vt exclusa  
 ossea parte mollem, carneam,  
 & excipiendo dolori opportu-  
 nam exprimeret. Quapropter per

λαπίρην non vna cum Caluo primo Hippocratis interprete intelligenda veniunt *Ilia*, quæ ab inflammatis pulmonibus dolere non solent; sed totum latus & maximè quod in latere inter costas est interiectum: quod cum membranosum sit & carneum ex contagione pulmonis æstuantis & inflammati eundem æstum & inflammationem & ab iis necessario ortum dolorem contrahere potest.

Restat tertia difficultas circa verba examinanda quam non satis excoquere possum: scribitur contactū ἀμφοτέρων ἢ πλὴν πλὴν peripneumoniam facere; contactum verò τῆς ἐτέρης μὲνον pleuritidem. Si quæram ad quam vocem

referatur *ἑτέρης*, ratio ipsa dictabit  
 referri ad *πλούρειων*. atqui non vi-  
 deo qua ratione fœmininū *ἑτέρης*  
 cōuenire possit cū neutro *πλούρειων*;  
 nisi dixerimus auctore posuisse  
*ἑτέρης*, quasi *ἑλπαρῶν* loco *πλούρειων*  
 collocasset, secūdum *σχῆμα* opti-  
 mis auctoribus Græcis & Latinis  
 familiare quo non τὸ ῥῆτον sed τὸ σι-  
 μαίνόμενον respiciunt. vt vt sit fateri  
 necesse est parū accuratè ab illo  
 descriptam hanc sentētiā, neq;  
 eo consilio vt publici iuris face-  
 ret; sed vnam ex illis fuisse quas  
 inter aduersaria collocabat ad se-  
 uerius examen postea reuocādas.

Nunc viscera ipsa ( vt dicitur )  
 & præcordia sententiæ Hippo-  
 craticæ excutiamus. Certum est  
 eo opere propositum fuisse Hip-  
 pocrati



pocrati de catarrho agere, & expendere morbos qui ab illo oriuntur: neque de thoracicis affectibus *ex tñs ideias* vt loquitur Herodotus, siue vt habet Lucianus *ex tñs dogmatis* disputare, sed quatenus ex catarrho oriuntur. Ac ne quidem mens illi fuit de quouis catarrho, sed de solo calido disputationem instituere: qui hoc habebat peculiare & proprium vt modo *utrinque*, modo *unius* tantum *lateris* dolorem inferret. Huius diuersitatis causas hoc loco inuestigat, docetque ab humore per laryngem & asperam arteriam è capite descendente pulmonem intumescere qua parte fluxionem admittebat; si toto suo parenchymate quia per di-

stentionem & amplificationem illam vtrumque latus tangebatur, dolorem obortum fuisse in vtroque latere; si dimidiata tantum sui parte; indoluisse illud solum latus quod ab inflammata parte tangebatur. Non alia fuit Hippocratis mens, non consilium. Quæritur tamen an diuinus senex hoc loco tradiderit generationem cuiusvis *Peripneumoniae* & *Pleuritidis*; & cur dolores vtriusque lateris vocet *Peripneumoniam*, dolorem verò vnius lateris *Pleuritidē*? Nemo non videt non suscepisse Hippocratem inuestigationē omnium causarum *Peripneumoniae* & *Pleuritidis*: Cum enim vnius catarrhi calidioris & vnius viæ

mentionem faciat gutturis scilicet & asperæ arteriæ per quam decumbit humor in pulmonem Certum est illum prætermisisse plures alias causas & vias quas ex professo de peripneumonia & pleuritide agens infinitis locis commemoravit. Adstringitur ergo hæc disquisitio & demonstratio ad particularē catarrhum ab Hippocrate propositum, & in aliqua forsan aëris constitutione aut regione observatum, per quē interdum dolor vtriusque interdum vnius tantum lateris oriebatur, neglecta explicatione causarum cæterarum quas & lib. de morbis, & de internis affectibus, & de victu in acutis, & de epidemijs fusè & accuratè proposuit.



Sed quo consilio dolorem  
vtriusque lateris *Peripneumo-*  
*niam*, dolorem vnus lateris  
*Pleuritidem* vocauit? Tres hu-  
ius rei præcipuæ rationes mihi  
videntur in medium afferri posse.  
Prima est quod cum insolens sit  
ac ferè inauditum in arte medica  
quemquam corripì simul & se-  
mel duplici pleuritide; si id vm-  
quam contigerit obseruare, vero  
similius est id à pulmonibus in-  
flammati quàm ab ipsis lateri-  
bus repetere. Vix enim fluxio in  
vtrumque latus fieri potest, quin  
extendatur ad totum thoracem  
non externum modo, sed etiam  
internum; tam propter copiam  
materiæ catarrhoicæ, quàm pro-  
pter partium omnium thoracica-

rum ἀδένειαν & κοινονίαν. Sic & affecto & dolente vniverso thorace interno & externo; satius est ab interna parte eaque nobiliori & ad vitam magis necessaria denominare morbum, quam ab externa & minus principe. Quibus sanè considerationibus permotus Hippocrates, cum fluxionis in internas thoracis partes atque adeo in pulmonem argumenta haberet certissima; licet vtrumq; latus doleret eum affectum maluit ab interna & potiori parte inflammata *peripneumoniam*, quam ab externa & minus nobili *pleuritidem* appellare. A ratione igitur fuit denominatio petita *peripneumonia*, quemadmodum à sensu appellatio

*pleuritidis*; Cum enim videmus partem aliquam dolentem, morbum à dolente parte denominamus. Sic colicos cruciatus Hippocrates non vocavit semper intestinorum dolores, sed sæpenu-  
mero *σπράγες πρὸς ὀμφαλὸν* tormina circa vmbilicum, quia dolores illi sensibilibus videntur in ea parte esse constituti.

Secunda ratio est quod cum in inflammatione dimidiati pulmonis adesset præterea lateris dolor fodicans, fixus & permanens; debuerit ille affectus in eo casu *pleuritis* vocari. Probabile verò est inductum fuisse dolorem lateralem non à fluxione primariò oborta (aspera enim arteria qua fluebat humor non du-



cit ad latus) sed ab inflammatione pulmonis dimidiati. Hic enim præ copia turgidus & inflammatus, dum distendebatur ad lateris vsque partes internas membranosas & carneas; ipsas suo proprio calore inflammatorio afflabat & inficiebat; ex illo afflatu flammeo prohibita venarum & arteriarum illuc decurrentium transpiratione, efferuescebat sanguis, accendebatur, ac tandem è venis exiliebat: unde pleuriticus dolor excitatus est coniunctus cum peripneumonia, & qui propterea appposito nomine & aptissimo (quod à nonnullis Iunioribus Medicis vsurpatum video) *πλευριτις* appellari poterat; sed quia

sensibiliter & manifestè dolor sedem suam fixerat in latere & clauicula non ineptè ab Hippocrate *Pleuritis* nuncupata est ; non tam ratione inquam inflammationis dimidiati pulmonis, quàm fluxionis nouæ in latere obortæ per contagem pulmonis inflammati. Argumentum verò fluxionis illius nouæ est amplissima doloris circumscriptio qui extendebatur à latere ad clauiculam. Aut enim contactus pulmonis in exigua erat lateris parte, aut per totum latus distendebatur: si in exigua fuisset parte; citra fluxionem dolere non poterat totum latus cum iugulo, sed pars sola quæ tangebatur. At si contactus ille attigisset & totum latus & ipsum

iugulum, concipere non possum  
 quomodo in tantam molem ex-  
 creuisset dimidiatus pulmo illæ-  
 sa altera parte media ad quam si  
 vitium quoque peruenisset, iam  
 non vnicū latus sed vtrumq; in-  
 doluisset. Cum ergo ex leui pul-  
 monis contactu dolor per totum  
 latus diffusus sit; credibile est pul-  
 monem tam acriter æstuantem  
 tamque putridis humoribus, &  
 fumis turgentem non potuisse  
 diu applicari lateri, quin secutus  
 sit nouus in parte ardor, fluxio  
 deinde ac tandem inflammatio.  
 Quidni itaque Hippocrates vo-  
 caret *Pleuritidem* dolorem per  
 latus & clauiculam sparsum, fi-  
 xum, diuturnum, febre stiparum;  
 licet commodiori vocabulo pro-



pter inflammationem pulmonis illi adiunctam pleuropneumonia dici posset? sed existimauit diuinus præceptor βεαχὺς ἢ σωτόμος satis se naturam morbi aperuisse cum monuit, & dimidiatum pulmonem esse inflammatum & eius contactu feruido in proximo latere accensam pleuritidem,

Tertia ratio cur priorem morbum *Peripneumoniam*, posteriorē *Pleuritidem* vocauit Hippocrates consistit in designanda per eiusmodi appellationes istorum affectuum curatione. In curanda inflammatione totius pulmonis, non refert qua parte mitatur sanguis dextra an sinistra quæ pars fouenda, illinenda.

Cum enim dolor percipiatur tam in dextro quam in sinistro latere, siue dextram siue sinistram venam secueris, siue dextras siue sinistras partes fotu & litu temperaueris semper iuuabis. Quapropter dolente utroque latere, id est toto thorace laborante & inflammatione tentato affectum appositè *peripneumoniam* vocaueris, At cum propter dimidiati pulmonis puta sinistri inflammationem latus eiusdem partis videlicet sinistrae dolet; peccares in ægri commoda si sanguinem è brachio dextro detraheres; si idem latus dextrum foueres aut illineres nihil aduersus morbum promoueres. Venæ sectio *κατ' ἔξω* est celebranda, latus dolens fo-

uendum, illinendum, scarifican-  
dum pureque facto vrendum &  
secandum. Quapropter verba  
Hippocratis hoc modo audien-  
da sunt. *Dolente utroque latere*  
*ab inflammato toto pulmone; cu-*  
*rationem adhibe, qua adhibere*  
*solet in vera & germana peri-*  
*pneumonia; at dolente unicol-*  
*latere ab inflammatione dimidia-*  
*ti pulmonis curam institue, ac si*  
*esset vera & genuina pleuritis,*  
*facta semper euacuatione è dire-*  
*cto* *καὶ διὰ τοῦτο* *& administratis*  
*applicatisque presidijs lateri la-*  
*boranti.* Quod autem fuerit ea  
mens Hippocratis colligitur ex  
ipsa quam paulo post subiungit  
curatione. *Dolor, inquit, sedan-*  
*du* *ἐστὶν καὶ τοῦ κατὰ φύσιν* *medicamen-*



*ris & absorbendum dandum est  
 quicquid expectorationem facit  
 & balneis utendum quarta die,  
 quinta autem & sexta oleum  
 illinendum.* Peterem libenter à  
 nostris Nouatoribus qua parte  
 admouerent calfactoria medica-  
 menta, quam fouerent, quam  
 oleo perfunderent nisi monuisset,  
 Hippocrates morbum *pleuritim*  
 esse? At sede morbi sic constitu-  
 ta statim intelligunt affectum la-  
 tus excalfaciendum, fouendum,  
 lauandum, illinendum. Ne ergo  
 quisquam deciperetur, ( audita  
 pulmonis inflammatione ) in  
 promiscua præsidiolorum vsurpa-  
 tione & administratione, addi-  
 dit vir diuinus inflammationem  
 dimidiati pulmonis *pleuritidem*

esse, hoc est *instar pleuritidis* habendam tractandam, curandam, medicandam.

Interim tamen ( vt aliquid aduersarijs nostris tribuamus ) non negō peripneumoniam interdum æmulari & mentiri veram *pleuritidem* accensa pulmonum membrana, membranaque laterum propter viciniam, communionem officij, & substantiæ similitudinem in consortium calamitatis adducta: sed quod omnis pleuritis pulmonis sit inflammatio nemo in arte medica exercitatus concesserit.

Et hæc quidem sufficere arbitror ad explicandum priorem Hippocratis locum. Alter per se adeo conspicuus, est vt lucem

etiam nostræ rationi secundæ sit  
 fœneraturus. *Sicca pleuritis*, in-  
 quit, *citra fluxionem generatur,*  
*quoties pulmo admodum exa-*  
*rruit præ sitis vehementia: cum*  
*enim aliàs siccus existat longè*  
*vero multo quam ferat natura*  
*exarescat gracilior euadit imbe-*  
*cillior & languidior sicque præ*  
*impotentia deuoluitur in latus*  
*quod tangit, ex eoque contactu*  
*humorū interuentu ipsi aggluti-*  
*natur pluritidemque committit.*  
 Concipere ex hac verborum se-  
 rie arentem pulmonem, squalli-  
 dum, marcidumque, effoetum,  
 in latus resolutum, & officio suo  
 penè priuatum. Cogita deinde  
 quanto ardore cor æstuet, desti-  
 tutum suo flabello & refrigerio,

quanto æstu exardescat sanguis  
in venis & arterijs vicinis, quan-  
to incendio ipsæ carnes affician-  
tur & conficiantur: Et statim in-  
telliges per tantos ardores sequi  
ταύτην<sup>IV</sup> partium proximarum,  
nonnihilq; de propria substantia  
musculorum mesopleuriorū la-  
teris pulmonis decubitu oppressi  
exsudare, quod saniei excremen-  
titæ pulmonis admistum instar  
glutini latus pulmoni coniungit  
& connectit; ex qua agglutina-  
tione carnes maiorem concipiūt  
feruorem & dolorē, quibus pro-  
lecti ex venoso arteriosoque ge-  
nere humores primò fluxionem,  
deinde ab ea inflammationem  
hoc est pleuritidem inferunt.  
Propterea continuò subiungit  
*dolorem*



*dolorem excitari in latere & ad claviculam, febrem accendi, & expectorationē sequi alba materia.* Dolor ergo lateris & iuguli à pulmone non est, cum antea eo exarescente non appareret; sed à fluxione facta per colliquationem partium. Febris quoque excitatur non ab illa tabe pulmonis cui vel nulla vel saltem lenta febris adiuncta est; sed ab inflammatione lateris quæ vehementem semper inducit febrem. Quod autem dixit expectorata esse materiam albam hoc est pituitosā, insinuare voluit conditionem *pleuritidis* quæ sicca erat, id est in qua nihil de materia morbifica excreabatur. Exibant quidem pituitosa vel expul-

mone, vel ex partibus faucium vicinis per oppressionem; sed ab ipso latere dolente nihil excernebatur, in quo *pleuritidis sicca*, natura consistebat. Si latus non doluisset proprio affectu sed duntaxat à malè constituto pulmone, cum daretur expectoratio, *sicca pleuritis* non potuisset dici, peripneumoniæ enim & pleuritides siccæ appellantur cum nihil ab affectis expuitur partibus ex com. Galeni ad part. 22. lib. 1. de victu in acutis. At hîc aderat expectoratio à pulmone, nulla à latere affecto, aliàs subcruenta fuisset; *Sicca* igitur *pleuritis* appellari debuit non à pulmone labefactato sed à latere inflammato & dolente. Quapropter non

immeritò hic affectus *Pleuritis* dictus est quòd in eo non solum pulmo sed lateris partes proprio vitio laborarent. Illud ipsum quoque est quod Hippocratem mouit, vt ad eius curationem præscriberet expectorantia, & cibos præbere prohiberet. Si duntaxat præter intemperiem siccam pulmonum nullus fuisset in latere morbus; nulla aderat necessitas expectorationis, inedia non fuit præscribenda quæ magis ac magis desiccet. imò potius cibis plurimis ægri erant reficiendi & recreandi à quibus & squallor viscerum partiumque omnium emendatur, & adaucto sanguine carū substantia humectatur. Per Hippocratis manes adiuro no-

uatores istos vt mihi respondeāt:  
Vtrum Hippocrates omnium  
hominum prudentissimus po-  
tuisset sanationem huius morbi  
septima die polliceri, eumque  
periculo vacuum pronunciare, si  
ipsum in vitio & læsione solius  
pulmonis consistere censuisset?  
Quis credat arētem pulmonem,  
desiccatum, marcescentem, me-  
dia sui parte effoetum & resolu-  
tum carere periculo & intra tam  
breue tempus posse restitui? At  
quia hæc omnia ad solam pleu-  
ritidem siccam pertinebant, po-  
tuit sapientissimus senex ferre iu-  
diciū & eius securitatis & intra  
septimum diem solutionis, cum  
præsertim nec à rheumatismo,  
nec ab humorum orgasmo, nec



ab insigni eorum corruptela, sed à vicinæ partis contagione excitata fuisset.

Huc vsq; (clarissime Baldi) satisfactum puto auctoritatibus ex lib. de locis in homine adductis verisimilibus & probabilibus argumentis : quæ opponi quoque possent Herophilo apud Cœlium Aurelianum li. 2. acutorum morb. cap. 16. nisi ille eadem facilitate eius rationes dissoluisset, qua ipsas proposuit. Medicorum aliorum vel obseruationes vel probationes non moror ; etenim si auctoritatibus & capitibus esset certandum, longè plures & grauiores viri in nostras quàm in aduersariorum partes descenderent. Egregium verò

argumentum quod ab Ethymologia deducitur; non dari scilicet *Pleuritidem* quòd nullibi apud antiquos reperiatur *Pleuritidem* dici à membrana costas succingente. Siccine est Philosophari, an desipere? ergo non datur phrenitis, cum enim non denominetur à membranarum cerebri inuoluentium inflammatione ut voluit Possidonius, tam de eius ὑπάρξει quàm de *Pleuritide* erit dubitandū? Neque ophthalmia morbus erit membranæ coniunctivæ oculi, quòd denominationem ab ea membrana non accipiat, sed à toto oculo. quæ φλυαεΐαι! qui σκινδαλμοί! sed seposita omni occupatione præuia, semotisque hominum opi-

Africus  
serm 6.  
c. 2.

nionibus : quæro ab istis nouatoribus num membrana ὑπεζοκός dicta obnoxia sit inflammationi ? Sin egauerint, quæram cur meningēs cerebri inflammentur, cur coniunctiua oculi inflammationem admittat, cur vesica, cur vterus, cur ventriculus quæ partes sunt membranosæ phlegmone tententur ? aut disparitatem ostendant aut fateantur membranam costis subtenfam opportunam quoque esse inflammationi suscipiendæ. Atque ea inflammatio quid est nisi pleuritis ? non denominata quidē à membrana quæ Græcis ὑπεζοκός ab officio succigendi & velandi siue ut loquitur Meletius ὑποζωνύειν καὶ ὑπελείπειν dicta est, sed vel ἀπὸ τῆς πλευρῆς

à latere vel ἀπὸ τῆς πλευρῶν à costis  
 quas succingit & connectit.

Cæterum qui inrer ἀδυσάτω re-  
 ponunt transudationem sangui-  
 nis è latere, & materiæ pleuriti-  
 cæ transumptionem à pulmone,  
 naturæ ἐφ' ὅδεσ συμπτώσας καὶ ἐμπροσας ad-  
 mirabiles non satis concipiunt  
 scribit Hippocrates Comment.  
 3. de articulis *carne circa costas  
 aut casu aut ictu aut illisione aut  
 quouis alio modo attrita multos  
 sanguinem expuisse.* Ad quem  
 locum Galenus. *In memoria,* in-  
 quit, *habendus est hic sermo pro-*  
*pter eos qui existimant in lateris*  
*dolore necessarium esse, aliquam*  
*ex fibris pulmonis affici, aiunt*  
*enim fibræ quæ inflammata*  
*costam attingit aliquid ex tenui-*



ori parte sanguinis admittere. Ipse verò dicit nullo in pulmone contracto affectu, sed sola costa malè affecta nonnullos sanguinem expuere. Quomodo autem hoc fieri possit erit maiori otio inquirendum. Nos sane hanc questionem perpendimus in ijs quæ scripsimus in librum Erasistrati de sanguinis sputo: nunc duntaxat intellexisse abunde est, quosdam sine vitio pulmonis sanguinem spuere, propterea quod morbus circa costas versetur. Quin & in alijs saepe vidistis integre cute fractura superposita sanguinem sic effundi ut fascias impleat cum tamen cutis membrorum sit densior membrana interiorius costas succingente. Quare

nihil mirum est si sanguis per hanc ab affecta costa in interiorem regionem illabatur & subinde in asperam arteriam per pulmones distributam in ipsa expiratione transferatur : quemadmodum in ijs videmus quibus eiusmodi membrana vulneratur, quicquid enim per vulnus in thoracem instillaueris, continuo ascendit & per os reijcitur; quod non intelligens Erasistratus in absurdos sermones libro de sanguinis sputo delapsus est. Et licet mortuo animali nullæ sensibiles viæ in membrana pulmones inuolvente appareant; attamen in viuentibus viæ sunt mente & intellectu sensæ quæ quia sunt perceptibiles sola ratione à

Cœl. Au-  
rel. lib. 1.  
acut c.  
14. & lib.  
2 c. 16.

Græcis idcirco λογοθεώρητοι appel-  
lantur. Obseruauī sæpenumero  
per acerrimas & grauiſſimas  
oculorum inflammationes vel  
purum putumque ſanguinem  
vel ſaniem cruentam exſtillauif-  
ſe. Quod quidem omnibus in-  
flammationibus proprium eſſe  
docuit Gal.com.ad Aph.12. ſect.  
1. & lib. 5. de locis affect. cap. 7.  
*uſu, inquit, venit in omnibus in-  
flammationibus duntaxat quæ  
denſo craſſoque operimento non  
teguntur quales in externa cute  
exiſtunt, quosdam exudari  
ichores ſiue ſaniem initio te-  
nuem quæ concocta deinde in-  
flammatione & craſſior & puri-  
ſimior redditur. Hoc ipſum in  
omnibus oris & oculorū inflam-*



mationibus cernere est, nec hisce minus in alia etiam quauis parte quando simul cum totius cutis diuisione pars quæ piam interior inflammatione laborat. Atque ex hac fanie cruenta deprehendi meserei inflammationem docet loco laudato de loc. affectis. Non est igitur quod quærant (quod aliud est eorum argumentum) unde tanta copia humorum cruentorum suboriatur in *Pleuritide* qui per expectorationem reiiciuntur. Stillat enim sanies illa iugi & quasi perenni prouentu ex illa inflammatione quæ sæpius in die suborta fluxione velut renouatur. Obseruatur autem illud frequentius in partibus thoracicis & lateralibus quàm in



alijs partibus viciniâ cordis, ramorum azugis illuc decurrentium amplitudine, membranarum tenuitate, locorum angustia, & compressione, pulmonis perpetua inspiratione & expiratione qua velut suctione aliqua emulget & prolicit quod ex latere inflammato exudat. Accedit aëris in pectoris alueo conclusi agitatio, feruor, tenuitas, qui instar ὀχήματος penetrationem adiuuat & transmissionem in pulmones eius materiæ cruentæ & saniosæ è dolente latere destillantis. Admittunt rerum naturalium Mystætacitos cuniculos & arcanas vias per quas deferri flumina & occultari volunt, è quibus deinde & erumpunt & enas-

Lib. 3. q.  
nat. c. 26.

cunrur. Illò, inquit, Seneca, recepta cursus egere secretò, sed cum primum aliquid solidi quod obstaret occurrit prærupta parte, quæ minus ad exitum repugnabat, repetiere cursum suum.

Quid. 15.  
Metam.

*Sic ubi terreno Lycus est epotus  
hiatu*

*Exsistit procul hinc alioque ren-  
nascitur ore.*

*Sic modo combibitur, tacito mo-  
do gurgite lapsus*

*Redditur Argolicis ingens Era-  
sinus in undis*

Mirantur Eurippos & aquarum  
riarum coniugia nulla aquarum  
confusione temerata; quod de  
Peneo & Titaresio prodidit Ho.  
Iliad. β. de Arethusa Libanius in  
prog. quæ *φυλάττει ἀμυγῆς ἐν θαλάττῃ  
τὸ ῥέειθρον*

— *tumida sic tranſ fuga Piſa*  
*Amnis in externos longe flam-*  
*matus amores*

Papin. 1.  
 Sylu.  
 Epith.  
 Stel. &  
 Viol. vi-  
 de Lucr.  
 lib. 6.  
 verſ 890.

*Flumina demerſo trahit inteme-*  
*rata canali*

*Donec Sicanios tandem perlatus*  
*anhelo*

*Ore bibat fontes : miratur dul-*  
*cia Nais*

*Oſcula, nec credit pelago veniſ-*  
*ſe meritum.*

Hæc & longè plura ſuſpiciunt in  
 magno mundo prodigia. Inte-  
 rim verò videntur ignorare μετεώ-  
 ρεις, δαχρύς, πνευμίδας, διεξόδους,  
 ἐπειθίσματα, ναυσιώσεις, ἐκρύσεις ἀνω, κα-  
 θω, ἵσθαι, ἔξωθεν & admirabiles  
 humorum agitationes & trans-  
 fusiones quæ in minori mundo  
 quotidie obſervantur.

Sed parce tandem ( vir ornatissime ) ardori nostro qui me in hoc bellum induxit & imparatum & nihil tale meditantem. Recordari debebam acerrimæ tuæ defensionis, in qua nihil prætermisum est eorum quæ pro asserenda vindicandaque *Pleuritide* excogitari possunt. Dudum est cum rei medicæ commentarium apologeticum ab Aëtio Cleto Signino Medico & Philosopho editum legeram; neque ex Medicorum ordine qui illi responderet, ullus extitit. Tu illum & alios eiusdem opinionis sectatores vno telo confixisti, vno gladio confodisti: neminemque arbitror futurum qui le-

cta



eta & examinata tua discepta-  
 tione eorum patrocinium sit sus-  
 cepturus. Restat verò vt gratias  
 tibi agam immortales pro nun-  
 cupato dicatoque mihi opuscu-  
 lo, & pro ea existimatione quam  
 de me concepisti. Nec vñquam  
 de te benè meritis fui, nec eas  
 habeo in me virtutes quæ tan-  
 tum præconem mereantur. Im-  
 mane quantum ab ijs dotibus  
 absūm, quæ in arbitro grauissi-  
 marum controuersiarum expe-  
 tuntur. Et sanè pepercissem lu-  
 bētissimè huic scripti oni nisi mi-  
 hi vitum aut ἀρεσκίας, aut, ἰσχυρί-  
 ντας, aut ἀχαρισίας imputari veritus  
 essem. Summam tamen istam  
 beneficiorum in me collatorum

humanitati tuæ & comitati tribuendam censeo, quemadmodum liberalitati medicas tuas propugnationes opobalsami Orientalis doctas hercle & elegantes quas nuper obtulisti opera & interpositu amici nostri lectissimi Gabrielis Naudæi viri tantum laudandi quantum virtus intelligi potest. Is cum eas me possidere virtutes, quæ illum amplissimè & cumulatissime exornant, tibi persuasisset; optimam de me existimationem apud te commouit. In quo quidem si te deceptum animaduertas, benignitate illius & veteri nostræ amicitiae tribuas velim. Æquum est tamen ut illi gratias

DE PLEVITIDE. 51  
agam beneuolentiæ suæ, tibi tui  
candoris, meque vobis perpetuo  
fore obstrictum profitear. Sed  
tandem manum de tabula, ne  
pro Epistola librum videar scrip-  
sisse. Vale ergo Lutetiæ Parisio-  
rum Calendis Septem. ann. salu-  
tis, CIO IO CXL.

*FINIS.*

---

*Epistola Exegetica errata sic  
emendanda.*

**P**Ag. 4. lege queri. pag. 11. leg. in morbis. p.  
28. l. adhiberi. p. 31. l. Concipe. p. 46. l.  
aquarum variarum coniugia nulla liquorum  
confusione.

Cetera lectorem non morabuntur.



7c

is. p.  
46. l.  
1000000

